



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՈՍՏԻԿԱՆՈՒԹՅԱՆ
ՊԱՐԵԿԱՅԻՆ ԾԱՌԱՅՈՒԹՅՈՒՆ**

0090, ք.Երևան, Շոպրոնի 77 հեռ. 010 51-29-53 էլ. havgnt patrol-service@police.am

N

91/13432

<< 27 >> 07 2022թ.

Նորիկ Ղազարյանին
Հասցեն՝ ք.Երևան Օրբելի 8

Ուղարկում եմ Ձեր դիմումի հիման վրա ՀՀ ոստիկանության պարեկային ծառայության իրավաբանական բաժանմունքում իրականացված վարչական բողոքարկման վարույթի արդյունքում 8180145254 վարչական ակտն անփոփոխ, իսկ վարչական բողոքն առանց բավարարման թողնելու մասին որոշումը:

Առդիր՝ որոշումը << >> թերթ

Պետ,
ոստիկանության գնդապետ՝

Ա.Ուրախյան

Կատ. Ս.Ավետյան

Ո Ր Ո Շ ՈՒ Մ

«Ոստիկանության պարեկային ծառայության վարչական իրավախախտման վերաբերյալ գործով 11.06.2022թ-ին կայացված 8180145254 որոշումն անփոփոխ, իսկ վարչական բողոքն առանց բավարարման թողնելու մասին

<<26>> 07 2022թ.

ք.Երևան

«Ոստիկանության պարեկային ծառայության պետ, ոստիկանության գնդապետ Ա.Ումրշատյանս, վերանայելով Նորիկ Ղազարյանի դիմումի քննարկման արդյունքում ստեղծված նյութերը,

Պ Ա Ր Զ Ե Ց Ի

11.06.2022թ. ժամը 23:25-ին Երևան քաղաքի Մաշտոցի պողոտայում դիմողի վարած «Օպել» մակնիշի 36 ՕՓ 040 հաշվառման համարանիշի տրանսպորտային միջոցը մայթին կայանելու փաստը հայտնաբերվել է «Ոստիկանության պարեկային ծառայության 2-րդ գումարտակի 3-րդ վաշտի կրտսեր պարեկ Գարեգին Մադաթյանի կողմից:

Վարորդի նկատմամբ կազմվել է վարչական իրավախախտման վերաբերյալ արձանագրություն և «Վարչական իրավախախտումների վերաբերյալ» «Օրենսգրքի 124-րդ հոդվածի 27-րդ մասի հատկանիշներով կայացվել է որոշումը՝ վերջինիս 20.000 ՀՀ դրամի չափով տուգանելու մասին:

Դիմողը դիմումով խնդրել է անվավեր ճանաչել «Ոստիկանության պարեկային ծառայության վարչական իրավախախտման վերաբերյալ գործով 11.06.2022թ-ին կայացված թիվ 8180145254 որոշումն այն պատճառաբանությամբ, որ մայթին կայանել է տրանսպորտային միջոցի վառելիքը վերջանալու պատճառով:

Դիմողը, ծանուցվել է վարչական լսում իրականացնելու օրվա և ժամի մասին, սակայն չի ներկայացել:

Դիմումի քննարկման արդյունքում պարզվել է, որ վարչական իրավախախտման վերաբերյալ գործով 11.06.2022թ-ին կայացված 8180145254 որոշումը ենթակա է կատարման հետևյալ պատճառաբանությամբ.

«Հայաստանի Հանրապետության ճանապարհային երթևեկության կանոնները և տրանսպորտային միջոցների շահագործումն արգելող անսարքությունների ցանկը հաստատելու մասին» ՀՀ կառավարության 28.06.2007թ-ի թիվ 955-Ն որոշման 84-րդ կետի 1-ին ենթակետի համաձայն՝ կանգառն արգելվում է՝ մայթերին, բացառությամբ 61-րդ կետում նշված դեպքերի, նույն որոշման 86-րդ կետի 1-ին ենթակետի համաձայն՝ «կայանումն արգելվում է՝ կանգառն արգելված վայրում», նույն որոշման 61-րդ կետի համաձայն՝ արգելվում է տրանսպորտային միջոցների երթևեկությունը կողնակներով, մայթերով և հետիոտնային արահետներով՝ բացառությամբ կանոնների 81-րդ կետում նշված դեպքերում մայթեզրին կայանելու նպատակով մանևրելիս: Թույլատրվում է, այլ հնարավորության բացակայության դեպքում, ճանապարհային և կոմունալ սպասարկման ծառայությունների մեքենաներին երթևեկել, իսկ անմիջապես ճանապարհի կողնակների, մայթերի կամ հետիոտնային արահետների մոտ տեղակայված առևտրային և այլ օբյեկտներ սպասարկող տրանսպորտային միջոցներին՝ ամենակարճ ճանապարհով մոտենալ դրանց՝ խոչընդոտ չհանդիսանալով հետիոտններին և ապահովելով երթևեկության անվտանգությունը:

<<Ճանապարհային երթևեկության անվտանգության ապահովման մասին>> ՀՀ օրենքի 2-րդ հոդվածի համաձայն՝ մայքը՝ օրենսդրությամբ սահմանված կարգով հետիոտնի տեղաշարժվելու համար նախատեսված երթևեկելի մասին հարող կամ դրանից որևէ եղանակով առանձնացված ճանապարհի տարր>>, իսկ <<Վարչական իրավախախտումների վերաբերյալ>> ՀՀ օրենսգրքի 124-րդ հոդվածի 27-րդ մասի համաձայն՝ տրանսպորտային միջոցների վարորդների կողմից մայքերին կայանելը կամ մայքերով երթևեկելը, բացառությամբ ճանապարհային նշաններով թույլատրված դեպքերի, ինչպես նաև ստորգետնյա կամ վերգետնյա հետիոտնային անցումներով երթևեկելը առաջացնում են տուգանքի նշանակում՝ սահմանված նվազագույն աշխատավարձի քսանապատիկի չափով:

Հաշվի առնելով վերոգրյալը և համադրելով գործում առկա ապացույցները՝ գտնում եմ, որ դիմումատուի արարքում առկա են <<Վարչական իրավախախտումների վերաբերյալ>> ՀՀ օրենսգրքի 124-րդ հոդվածի 27-րդ մասի հատկանիշները, ուստի ելնելով վերոգրյալից և ղեկավարվելով նույն օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. ՀՀ պարեկային ծառայության վարչական իրավախախտման վերաբերյալ գործով 11.06.2022թ. կայացված 8180145254 որոշումը թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան օրենքով սահմանված կարգով և ժամկետներում:
3. Սույն որոշման օրինակն ուղարկել դիմողին և ՀՀ ոստիկանության պարեկային ծառայության Երևան քաղաքի գունդ:

Պետ,
ոստիկանության գնդապետ՝



Ա.Ումրշատյան